

X

LE
COVRRIER
BRETON.

12

M. DC. XXVI.

LE
COVRIER
BRETON.

M. DC. XXVI.



LE COUVRIER

Breton.

TOUT se voit en fin mon Prince, tout se voit, & les actions les plus cachees viennent en euidence, cet œil tout voyant leur donne iour, les tire des tenebres, les estalle en plein midy, les expose à la veuë de tout le monde, comme sur vn theatre, ou vn chacun les peut considerer avec attention, les discerner avec iugement, & les iuger sans passion: Le temps, en fin le temps, esclost la verité sa fille legitime, & luy faict voir le Soleil au desaduantage de ceux qui la pensoient enseuelir en l'obscurité, en vn eternal silence.

Les loix & les coustumes des hommes sont differentes, les vns estiment vne chose honneste, les autres vne autre, mais bien est-il seant à tous de garder & observer celles de son pays. On tient que les Grecs estiment la liberte & l'egalité sur toutes choses, mais quant à nous, entre plusieurs belles coustumes & ordonnances que nous auons,

*plut arch.
in T him.*

celle-là me semble la plus belle de reuerer & adorer nostre Roy, comme l'image de Dieu de nature, qui maintient toutes choses en leur estre & en leur entier.

Si doncques le Roy seul conserue toutes choses en leur estre & en leur entier, ou si plustost comme le Soleil il leur donne l'estre, si la vie d'un million d'hommes est attachee à la sienne, si le bon-heur du public consiste en la conseruation, si la fortune d'un monde entier depend de luy seul. Quelle punition merite celuy qui d'un seul coup est Autheur de tant de morts? Et si les Iesuites ont causé ces maux, ne seront-ils point punis? Leur sera il permis d'attenter impunement à la vie de nos Roys? De mettre leurs mal-heureux desseins à execution, sans qu'il nous soit permis de nous plaindre.

*Com. Tac.
cit. lib. II.
cap. II.*

Histoire. veritable tableau du passé, docte Historien, qui en peu de paroles nous apprens nostre leçon, qui en matiere d'Estat, & en ce qui est hors de nostre religion, nous dois seruir d'Euangeliste, combien naïfement & en peu de paroles, mais d'un sty le d'or nous fais-tu voir comme quoy nous auons deu proceder en cet affaire.

Plusieurs Seigneurs de marque (dis-tu) ayât esté executez à mort, pour auoir trempé en la conspiration de Silius adultere de Messaline, Marcus Nestor homme de peu, esperant euitter le supplice merité, alleguoit qu'il auoit péché par contraincte & necessité: Non, non, disoit vn homme d'estat, ces raisons ne sont per-

*Luy e miras
yrafu pour
lele de p
guand*

tinentes, toutesfois & quantes qu'il s'agist du crime de leze Maiefté; la seule penſee merite punition, il eſt indifferent ſi par contraincte ou volontairement l'on a commis vne ſi grande faute, il faut mourir.

*Spontē an
cauſus tā
magna
pe. cauiffe
nihil re.
ferre.*

Les loix d'eſtat ſont toutes differentes, voire bien ſouuent oppoſees à celles qui s'obſeruent entre les particuliers. Au premier cas ce n'eſt point mal que de faire vn grand mal pour introduire vn grand bien: & au contraire les Philoſophes tiennent qu'il ne faut pas faire vn mal, tant petit ſoit il, pour introduire vn grand bien; mais quand il eſt queſtion du public & du repos d'un Eſtat, il faut paſſer ſoubs ces refrains.

Ces conſiderations (mon Prince) ne doiuent iamais trouuer place en l'ame du politic, tout eſt bon, pourueu qu'il profite, les formes iudiciaires dorment en tel faiſt, ſ'il y a quelque choſe d'inique le bien public le rend tollerabile. Les regles d'Eſtat, diſoit vn iour vn grand homme, ſont formees au patron de la medecine, ſelon laquelle tout ce qui eſt vtile eſt auſſi iuſte & honneſte. C'eſt ce que diſent les Stoiciens, que la nature meſme opere le plus ſouuent contre la iuſtice.

*Qui credit
ſila ima
eſſe cius co-
ditione, vñ
aliquid nō
liceat quid
ſit neceſſa-
rium. Ta-
lit in Ne-
rone.*

Ouy mais, dira quelqu'un, en faiſt d'Eſtat il ne faut iamais remuer les choſes non neceſſaires: les Ieſuites ſont auourd'huy vn grand corps, ils ont beaucoup d'intelligence au Conclau & en Eſpagne, rendons les nos amis par nos bien-faiſts, nous n'aurons plus de ſub-
ject de rien craindre.

WILSON
NEU

Le fronce le sourcil de cholere sur ces discours, les Iesuites font vn grand corps, & les Templiers, bon Dieu, ne sont plus, & peut-estre sans raison, pour le moins la posterité ne les accusera point d'auoir rien entrepris contre le repos public, d'auoir troublé les Estats, d'auoir massacré les Roys, ils estoient innocens, ô tyrannie !

Mais quel grand corps font les Iesuites, que peuuent trois cens pedans tout au plus ? Iusques où se peut estendre leur pouuoir ? Qui les rend recommandables sinon la crainte que l'on a d'eux ? Quelle consideration nous peut empescher de les chasser ? Si la Noblesse, les Templiers estoient tous Gentil hommes, leur General yssu de la maison de Bourgogne, si le nombre, ils estoient plus de milliers que ceux-cy de douzaines, si le merite, ils estoient necessaires à la Chrestienté, ce neantmoins ils ne sont plus, si la religion, si la pieté, mais l'ordre des humiliez a esté exterminé pour l'attentat sur la personne du Cardinal Bouromee.

Les obliger par bien-faiçts, cela ne se peut, cela ne se doit, ils en ont trop receu du defunct

Superfluum

suadere

quid fieri o-

porteat cum

audierium

assensus in

deteriora

rapitur.

Egesippus.

Roy : c'est vne folie de rechercher le respect, la raison & obeyssance en ces seditieux, & croire qu'ils s'appaisent en les flattant, ces fièvres chaudes ne se guerissent point par emplacements, il faut la purgation ; le frenetic rejette les remedes & chasse les Medecins.

*Galli si sapitis, cur librum traditis igni,
Aethores vestris pellite liminibus.*

*unus
liber*

In Cineres abiit liber unus, mille reliqui

Horum turba loquax mutus ille fuit:

Hortus qui capiunt penitus purgare venenis,

Radices properant vellere, non folia.

Vrayement c'est bien dict, l'on a banny pour iamais les parens de ce trahistre meurtrier, on leur a enjoint de changer de nom, l'on a douté si l'on deuoit demâtelier la ville d'Angoulesme pour auoir produit cét abominable monstre, & on apprehendra, & on n'osera, ou plustost on ne voudra estendre la punition sur tout vn corps coupable, corps cacochime, corps maleficié, tout puant, tout infect, qui doit sa guarison au bourreau, & on la restraindra à vn particulier: on fera comme ce Roy de Perse, on fouïettera la robe pour le corps, le valet pour le maistre, se contenter de bruler vn liure, comme si vnique en son espee, comme si pour emporter des fueilles on arrachoit la racine, comme si reduisans en cendre cét auorton malheureusement auorté, l'on auoit perdu tous les exemplaires.

Non, non, la foudre de vos Arrests a deu s'estendre plus loing cõtre les Iesuites, l'esclat de vos oracles a deu faire plus d'effect, la splendeur de vostre escarlatte se deuoit monstrier avec vne semblable Maïesté que si vous veniez d'Edom, le glaiue de iustice au poing pour venger nos Roys: Vous qui estes les Dieux tutelaires de la France sous l'auctorité du Souuerain: Vous les tuteurs, vous les mediateurs de nos Princes avec le peuple, le refuge des affligez: Bref vous Dieux, & quels

autres Dieux sont semblables à vous? Qui sont ceux-là qui donnent, qui confirment les Regences, qui reçoivent le serment du Prince, que vous qui contractez avec luy, qui prenez sa foy pour gage pour caution (comme sacrez depositaires d'un sacré depost) de la bien-vueillance qu'il promet auoir pour son peuple? Et quoy donc, craindre, qu'il y eust quelques innocens parmy eux? car autre chose ne vous a deu empescher. De l'innocence, bon Dieu, de l'innocence parmy les Iesuites? Et qui le croira, non pas leurs plus affidez, non pas mesmes ceux qui les cherissent pour la necessité qu'ils en pensent auoir.

Mais posons qu'il y en ayt d'innocens qui souffriront semblable punition que les coupables. Et pourquoy non? puis que d'une armee mise en route, quand le dixiesme soldat est assommé d'un balton, les vertueux tirent

Omne magnum exemplum habet aliquid ex iniquo, quod publicè utilitate compensat.
in Cornet. Tacit lib. 14. cap. 13.

au fort ne plus ne moins que les autres, tous actes exemplaires ont ie ne sçay quoy d'inique en soy, qui portant prejudice à quelques particuliers est recompensé par vne publique vtilité. Et puis que nous auons en nos maisons pour nostre seruice, des nations qui ont des façons contraires, habits, Dieux, & religions estrangeres; & possible point du tout, vous ne sçauriez, vous ne sçauriez retenir ceste canaille que par vne crainte & frayeur.

Il y en a pourtant qui en font estat, quelques vns pour l'apparence de pieté, de bonté aux autres la religion sert de pretexte. Aussi est ce l'une des plus violentes passions d'un peuple,

ple, & le plus asseuré moyen pour remuer vn *Qui impe-*
 Estat, il faut fuir ces extremitez, le bien public *ritos ani-*
 est tousiours en campagne, il ne faut pas refu- *mos impel-*
 ser vne purgation pour les tranches qu'elle *lant liber-*
 pourroit causer pour euitier vn grand danger, si *tantem qd*
 vous laissez ces fistules dans le corps, les viciu- *speciosa no-*
 ses humeurs, dont il abonde le suffoqueront, le *mena pre-*
 desir de commander est vn trop friât morceau: *textantur.*
 on foule aux pieds le respect, le deuoir, l'hon- *Tacit.*
 neur, & la conscience pour en gouster, ils ca-
 chent leurs desseins : Aussi que les hautes &
 hardies entreprises demeurent bien souuent
 incommunicables en l'estomach de ceux qui
 les entreprennent, & qui quand bon leur sem-
 ble les mettent en euidēce, avec telle couleur,
 qu'ils iugent meilleur pour eux, si vne fois l'ap-
 prehension ceste fièvre dangereuse glace le
 cœur du Souuerain, c'est faict de sa Maieſté,
 elle diminuē, se pert, & se mine d'elle-mesme,
 car la crainte enfle le courage, & faict entre-
 prendre tant plus hardiment l'offense qu'on
 s'asseure qu'elle sera impunie : alors son res-
 pect, sa puissance s'esuanoüissent, il reçoit la
 loy de ceux qui la doiuent prendre de luy.

Et quoy donc craindre? l'autorité de ceux
 qui les fauorisent, qui les portent, & qui tien-
 nent rang en France, qui semblent leur auoir
 attachee leur faueur cōme vn preseruatif con-
 tre toutes sortes de dangers, au trauers de la-
 quelle toutes les impunitiez des Iesuites passēt
 en assurance, & leurs temeraires entreprises
 s'asseurent. Ils s'imaginent qu'on les craint,
 puis que ce qui merite punition a obtenu re-

compense. Ils se refoudront en fin d'entreprendre au delà de leurs premières entreprises, leur hardiesse sans censure & leurs crimes sans hardiesse ans peine, esueilleront ce feu qui couue sous les cendres de leur première rebellion.

Grand' Royne qui estes le pilote de la France, sur laquelle se repose le salut public, permettez à vostre tres-humble subiect de vous représenter; comme sur vn tableau, la vie de ces gens là, iugez de la piece par l'échantillon, ou plustost examinez leurs actions, & vous verrez que c'est vn venin caché, qui rampe par tout le corps de cet Estat, de tant plus à craindre que l'on n'y prend point garde, que c'est comme le lierre qui fait choir le bastiment qui le soustient.

A la mienne volonté que nous fussions assurez que leurs pernicioeux desseins ne s'adressassent point à la personne du Roy, que leurs pieges ne fussent tendus qu'aux particulieres familles de la France, qu'à leur bien, qu'à leur substance, & que contans de ceste despoüille le precieux sang de nos Roys demeurast assuré en ses veines, que leur vie fust hors d'eschet, hors de la crainte, hors du danger de ces courratiers de Madric.

Ah! que leurs desseins sont bien autres, ils ont pour but de leurs actions, l'outre de leur protecteur, & iusques où cet (outre) sinon iusques dans le cœur des Roys? dans le cœur de ces Dieux enfans du grand Mars? Mais nous bien sages & preuoyans, si nous arrestons leur course, si nous faisons que cet, Outre soit

l'Outre que Æol donna au prudent Vlyſſe,
que le tout ne ſoit que vent, & qu'il aille en fu-
mee.

De dire que la preuue ne ſoit point entie-
re contre eux, qu'il n'y aye que des ſimples
coniectures. Et qui ne ſçait qu'en faiſt d'Eſtat
les moindres adminicules, ſont des preuues
concluantes pour leur faire leur procez, que
c'eſt vn crime qui doit eſtre traitté extraordi-
nairement qu'il n'y a point de regle certaine,
& que le plus ſouuent il ſe faut ſeruir de l'exce-
ption.

*Leurs eſcris
qu'ils pu-
blient tous
les iours en
rendent
teſmoigna-
ge.*

Mariana, Mariana, tu n'es point ſeul Au-
theur de ton liure, tous les autres y ont con-
tribué, De Valentia, que Caton Allegue, n'en
dit pas moins, mais avec vne reſtriction, qu'il
ne faut pas tuer les Roys ſans l'auctorité publi-
que.

Que diſ-tu effronté? Il eſt donc permis
de les tuer, puis que la condition, *Sans*, empor-
te vne affirmation qu'il eſt permis de les tuer
en quelque façon.

Qu'appellez vous autorité publique eſt-ce
point ceſte funeſte tragedie qui ſe fiſt le dou-
zieſme iour de May quatre vingts huiſt, chaſ-
ſer le Roy & ſes ſeruiteurs, le tuer à S. Cloud:
Appellez-vous cela l'autorité publique? Don-
nerez-vous ce nom là à vne ſedition, à vne pra-
guerrie: qu'à bon droit vn Ancien appelloit,
Vne image accomplie de toute meſchanceté, & vous
la nommerez autorité publique, il ne le faut
pas trouuer eſtrange, c'eſt leur façon de parler,
ils briſent le vice du nom de vertu, & les actiōs

vertueuses du nom de vice , autrement ne faudroit-il pas qu'eux-mesmes condamnant leurs actions, se iugeassent indignes de la lumiere du iour, de laquelle ils iouyssent au milieu de nous par nostre pusillanimité,

Le les voy rire entr'eux de ce que , combien que l'on cognoisse leurs artifices, ou plustost leurs meschancetez , que neantmoins ou les laisse viure en paix, que le simple peuple deceu par vne feinte apparence de religion , ne peut porter sa creance à ce qui est de verité: ce nom superbe de Iesuiste est vn Soleil qui offusque sa veüe. Il ne peut iuger qu'ils en ont fausement emprunté le nom , que leur profession est du tout contraire, que les Apostres ont esté subiects aux puissances souueraines, & y ont obligé les autres, que Iesus-Christ mesmes n'a point refusé le tribut qu'il a voulu que l'on redist à Cesar ce qui estoit à Cesar, c'est à dire recognoistre les Princes temporels. Les Iesuistes disent , il faut tuer les Roys , s'ils ne veulent estre Iesuisticoles, il les faut contraindre de recognoistre le saint siege , tant au temporel, qu'au spirituel, & celoy que le Pape ne recognoistra point pour Roy , ne sera point Roy, ains vn tyran, & s subiects sont dispensez du serment de fidelité, vn chacun le peut tuer, voire meritoirement.

ad Roman.

13.

Mariana.

*In lib qui
vocatur
consentatio
Ecclesie Ca
tholica, pa.*

245.

*Idem lib. de
Princ. insti.
cap. 10 pag.*

89.

Et non seulement veulent-ils que les Roys, que le Pape ne recognoist pour Roys perdent leur qualité , mais ceux aussi qu'eux-mesmes n'approuueront , que la Royauté depende de leur iugement : veulent presider au Conseil,

voires mesmes auoir la garde des places fortes, *Bezins de
Temp. Eccl.
monarch.
libr. 2. c. 21.*
comme il y a de si effrontez que de l'oser dire.

Que ne demandez-vous encor, impudens, la charge des Finances de la guerre, que vostre General (toufiours Espagnol) soit Cōestable, pour mettre nos meilleures places entre vos mains, nos armées sans coup ferir en vostre puissance, pour attacher honteusement nos sacrez Fleurons aux chaines de la Nauarre, que les autres soient chefs des Cours souueraines, *Qualitez fort propres à des Pedans*, comme si elles n'estoient du tout contraires, du tout incompatibles, faire vn meslange des affaires du Ciel, *Carainal
d'Amboise
du temps de* & de la terre, ouy elles sont opposees les vnes aux autres, il y a trop de disposition, de difference pour les confondre: & comme si ce grād moteur de la volōté duquel tout depend, nous vouloit aprendre à discerner les choses sacrees d'auec les prophanes, nous faire cognoistre que ceux qui se dedient au seruice de sa sainte Majesté, se doiuent du tout donner à luy. Il s'oppose à leurs desseins, il renuerse leurs entreprises, & fait reüssir leurs Conseils à cōtrepoil. Et les fautes du Cardinal d'Amboise ne nous seront-elles iamais tellement presentes, que le malheur auquel son siecle a esté porté sous sa conduite, ne nous rendra point plus sages? & contre l'intention de ce grand Legislatteur, contre son expresse defence, les Leuites auront-ils la charge de la guerre, & le maniment des affaires? Au contraire ne seront-ils point sequestrez? Pourront-ils seruir à Dieu & au monde, rendez les plustost à leurs cloistres, à

*Louys 12.
Moyse.*

leurs colleges, ils seront assez empeschez à s'aquitter de leur deuoir , & ne leur permettez plus d'en sortir , puis qu'ils ne seruent que de mauuais exemple, à la Cour , où ils paroissent, non point comme ayant la conduite du troupeau de Iesus-Christ, ains en Courtisans, frisez musquez , suiuis , seruis comme grands Seigneurs, depensant le bien qui a esté dōné pour la nourriture des pauvres, pour les reparations de l'Eglise. C'est de là, mon Prince , que procedent tous les mal-heurs de la France, c'en est la source & origine , il n'y a plus de pieté parmy eux, plus de deuotion , plus de religion, en leur place l'impieté, l'irreligion, l'heresie , le mespris des choses diuines succédé.

Que l'on leur donne le gouuernement des places fortes, qu'on se serue de ces meschans, tueurs de Roys, cela se peut-il faire; le permettez-vous, ô Ciel? ô Dieu?

Et toutesfois il s'en trouue parmy nous, qui se disent François, qui les portent, qui conseillent à la Royne d'estouffer nos plainctes, qu'une inste douleur de la cruelle mort de nostre Roy nous faict euaporer, que l'on ne nous permettra point de soupirer ceste perte, que l'on empeschera la liberté de nos regrets? que l'on nous fermera la bouche, cela ne se peut: Nous voulons que l'on sçache qu'il n'y a Bastille, Chastellet, fort d'Antonia, supplice, quelque cruel qu'il puisse estre , qui nous puisse faire perdre la memoire de tes biens-faicts , grand Roy, elle demeurera tellement grauee en nos ames, sans pouuoir estre à iamais effacee.

Miserable accident certes ; que ce grand Roy, apres auoir dompté ses subjets rebelles, forcé ses ennemis dans & dehors le Royaume a luy demander la paix, apres les auoir mis au pied de la muraille, dans la ville de Paris monde, au milieu de ses Princes , ait esté massacré par vn meschant, vn perfide, vn monstre, vn prodigue, luy que le destin n'auoit osé ataqwer. lors qu'à la teste de ses armées , il imprimoit sur le dos de ses ennemis vaincus les marques sanglantes de ses victoires , qui tant de fois auoit donné la mort à la mort mesme, qu'un miserable t'ait osté la vie.

Maudite & fatale journee, quel crayon sera assez noir pour te marquer en nos Ephemerides; & mettre au iour ces hideux spectacles de la tyrannie des Iesuites? Il n'y a Amnistie qui oublie la souuenance de ton ingratitude, il n'y a abolition qui efface ta felonnie, il n'y a defence qui efface ta vergongne: iour cruel, iour la natiuité de nos malheurs, les funerailles de nostre bien.

Les choses se cognoissent mieux par leurs contraires, elles sont prisees parce qui leur est propre, & pour la partie principale qui leur donne la forme de leur estre, la doctrine des Iesuites se cognoistra plus facilement proposee à celle de l'Euangile si nous les conferons ensemble. *Senec. epist* 77.

Nous auons fait voir cy dessus les preceptes qu'ils dōnent pour assassiner les Roys, lesquels s'ils veulent dependre d'eux, leur tenir le pied sur la gorge, qu'il soit en leur pouuoir de les

faire massacrer, & releuer leurs subiects du serment du fidelité, doctrine qui leur est cōmune, que ceux qui ont tenu les premiers rangs entr'eux, ont suiuy ceste maxime, que non point le seul Mariana, ains les premiers de leur ordre Bellarmin & Toled.

*Tyrannum
licet occi-
dere licet
habeat ve-
rum Tit. si
tyrannice
trahit sub-
ditos, Petr.
Tol lib. 1.
c. 6. n. 17.*

Cet impie ayant discouru des Roys, de sa bouche prophane proferé leur condamnation, comme si ce n'estoit pas vne temerité, vn sacri-lege à ceux qui ne sont qu'hommes de parler des Dieux qu'avec l'honneur & le respect que l'on leur doit.

*Etiam me-
nitorio.*

Il y a deux sortes de Tyrans, dit-il, celuy qui aura osté la liberté du peuple, qu'il est permis à vn chacun de tuer, voire meritoirement, & sans crainte de reprehension, l'autre est celuy qui traicte tyranniquement ses subiects, lequel il est aussi permis de tuer, combien qu'il ayt vn tiltre, c'est à dire combien qu'il soit Roy legitime par succession.

*Exod. 11.
vers. 28.*

Au contraire, il est dit dans l'ancien & nouveau Testament, qu'il faut que les subjects obeïssent aux superieurs, & leur rendent honneur, respect, & obeïssance. Qu'il n'est loisible d'attenter à leur vie, ny Estat, combien mesmes qu'ils soient de religion contraire, voire du tout infideles, & vseroient tyranniquement de leur autorité, escoutons les paroles mesmes du Souuerain. Tu ne detracteras point des Iuges, & ne maudiras le Prince de ton peuple.

Que s'il n'est loisible de detracter & maudire, encores moins d'attenter à sa vie, il faut laisser le iugement d'iceux à Dieu, qui en est le superieur.

Item,

Item, i'ay fait la terre & les hommes, & les bestes qui sont sur la face de la terre, & l'ay donnee à celuy auquel il m'a pleu : & ainsi maintenant i'ay donné toutes les terres en la main de Nabuchodonosor Roy de Babylone, mon seruiteur, toutes nations luy serviront, & à son fils, & au fils de son fils.

Et aduiendra que la gent & le Royaume qui ne soubmettra son col sous le joug du Roy de Babylone, ie feray visitation sur ceste gent là, par l'espee, par famine, & par peste, iusques à ce que ie les aye baillez entierement és mains d'iceluy.

Vous donc, n'escoutez point vos Prophetes, ne vos Deuins, ne vos songeurs, ne vos enchanteurs, ne vos Sorciers, qui vous disent: Vous ne servirez point au Roy de Babylone, car ils vous prophetisent mensonge.

Icy Dieu veut que son peuple obeïsse à Nabuccodonosor, bien qu'infidele, idolatre, & qui n'auoit aucune cognoissance de la loy Moïsaïque, bien que de succession legitime le Royaume de Iuda ne luy fust acquis, ne autrement par eslection, mais pource qu'il plaisoit à Dieu de luy donner, en la main duquel sont toutes choses, lequel mesme propose de grandes menaces contre ceux qui s'y assubiettiront, appellant faux Prophetes, Sorciers, enchanteurs, ceux qui s'y voudroient opposer. Que seroit-ce si le Roy eust esté fidele, ayant le droit d'une succession legitime?

Saül Roy de Iuda, fust reietté afin qu'il ne regnast plus, & Dauid oinct pour regner en

1. Samuel 15.

16. 24. 26.

son lieu, ne voulut toutefois iamais rien entreprendre contre sa vie, quoy qu'il semblast estre reduit à ceste extremité, ou de mourir conseruant la vie à son ennemy, ou le faire mourir pour se conseruer, au contraire il fist executer Lamalecite, qui luy auoit apporté les nouvelles de sa mort, laquelle il confeilloit auoir facilitee. Comment, disoit-il, n'as-tu point eu de crainte de mettre ta main sur l'oinct du Seigneur.

Matth. 17.

Iesus-Christ, duquel toutes les actions non miraculeuses, seruent d'instruction pour estre imitees, ne refuse point de payer le tribut à Cesar, Empereur infidele, se rendant par ce moyen subiect au Magistrat, bien qu'infidele, & donne ceste regle à tous de rendre à Cesar, ce qui est à Cesar.

Matth. 22.

La raison de cela en est renduë par sainct Paul, Toute personne soit subiecte aux puissances superieures, car il n'y a point de puissance sinon de par Dieu, & les puissances qui sont, sont ordonnees de Dieu. Parquoy qui resiste à la puissance, resiste à l'ordonnance de Dieu, & ceux qui resistent acquierent damnation sur eux-mesmes, & partant il faut estre subiects, non point seulement pour l'ire, mais aussi pour la conscience.

2. Pierre 2.

Soyez, soldats, & tout ordre humain pour l'amour de Dieu, soit au Roy, comme au Supérieur, soit aux Gouverneurs, comme à ceux qui sont enuoyez de par eux, car telle est la volonté de Dieu.

Vn chacun sçait qu'en ce temps-là les Roys

& Gouverneurs estoient ennemis mortels de l'Eglise, & toutesfois ceste diuine bonté nous commande, & les Apostres nous enseignent que nous leur rendions toute obeyssance, sans aucun esgard, sans aucune consideration de leur religion, en ce qui concerne les affaires politiques. Combien donc deuons-nous estre plus obligez à leur rendre ce deuoir, estant membres de l'Eglise & fideles? Et combien deuons-nous tenir pour execrables, non seulement ceux qui attentent à leur vie, mais aussi ceux qui enseignent ces choses, & qui disposent les subiects, & les fauorisent en ces mauuais desseings, soit par conseils secrets, soit par leurs escrits, ou par leurs actions & harangues publiques. *Etiam discolos.*

Les legions Chrestiennes qui combattoient sous les Empereurs Payens, mesmes sous Iulien l'Apostat grand ennemy des Chrestiens, ne conspirerent iamais contre eux, & ne penserent oncques d'attenter à sa personne, car quelque meschant qu'il fust, ils recognoissoient que son autorité & puissance estoit de Dieu, eucor qu'il en abusast, & attendoient que Dieu en fit son iugement.

Le principal fondement de la maxime des Iesuites, qu'il est loisible aux subiects de massacrer leurs Princes, est pource que desobeissant au Pape, ils viennent à dechoir de leur autorité, & que leurs subiects sont par ce moyen absous du serment de fidelité, & leur est permis de les massacrer.

Or ce fondement estant faux, la doctrine est

donc fausse qui est posée dessus.

Car posons le cas que le Pape eust receu de Dieu l'autorité souveraine qu'il se vendique sur les Rois (ce qu'il n'a pas) & qu'il leur commandast choses iustes qu'ils n'exécutassent, si est-ce qu'il leur seroit en son pouuoir de permettre & approuver le parricide commis par les subiets en la personne de leur Prince, car Dieu ne le permet ny ne le commande, ains punit ceux qui l'entreprennent, duquel l'autorité est sans comparaison plus grande que celle du Pape.

*A minore.
ad maius.*

Cela se prouue par cet argument.

*Suadendi
non cogendi
heretici.*

S'il est loisible aux subiects de tuer leurs Princes lors qu'ils desobeyssent à Dieu, leur commandant choses iustes, il l'est encores moins quand le Prince desobeit au Pape, luy commandant de tuer ceux qu'il appelle heretiques.

Or il n'a point esté loisible aux Israélites de tuer Saül leur Roy ayant desobey à Dieu, luy commandant expressement de faire mourir tous les Amalecites ses ennemis.

Il est donc encores moins loisible aux sujets de massacrer leurs Roys qui n'exécutent les commandemens du Pape, de tuer ceux qu'il appelle heretiques.

*Probation
de la mi-
neur.*

S'il eust esté loisible de tuer Saül, David n'eust faict punir celuy qui l'auoit acheué de tuer, mesmes ayant esté requis par luy de ce faire. Or est-il qu'il le fist massacrer, & rendit raison de la iustice de son faict, à sçauoir, pource qu'il n'auoit crainct de mettre sa main pour deffaire l'Oinct du Seigneur.

Il s'en suit donc qu'il auoit fait mal, & qu'il ne luy estoit loisible de tuer Saül, bien qu'il eust esté rebelle & refractaire aux commandemens de Dieu.

Ouy, disent ils, mais c'est avec l'autorité publique, quand il a esté iugé tyran & incapable du gouuernement de son Estat, comme il aduint lors que Pepin fut appellé à la couronne, & que les Meyouingiens en furēt chassés : le Pape dispensa les François du serment de fidelité, & partant il est en la disposition du Pape de deposer les Roys si bon luy semble, puis qu'il peut tout ce que Dieu peut, comme estat son Vicaire & Lieutenant general en terre.

*Bellarmin.
de Pontif.
Rom. lib. 1.*

Vox impia.

Le rougis de honte pour eux, appeller vne violente vsurpation, vne iuste disposition : & encor plus de ce qu'ils soustiennent que c'est au pouuoir du Pape d'en faire autant, toutes-fois & quantes qu'il luy plaira, comme si l'histoire de ce temps là ne nous apprenoit point que les François alors tout Martiaux, tout guerriers, ne pouuans souffrir d'estre commandez par des Roys lasches & pusilanimes, se reuolterent cōtre Chilperic, & mirent son Maire du Palais, Pepin en sa place, qui long temps auparavant auoit plus d'autorité, pouuoir & puissance que le Roy mesme, de sorte qu'il ne luy manquoit plus que le nom de Roy, qui luy fut donné du commun aduis & consentement des François, lesquels pource que les Papes de ce temps estoient encor pleins de pieté & deuotion, eurent recours à Estienne qui le leur conseilla, non pas qu'il y interposast son

autorité, ains seulement son aduis : aduis & conseil Papal, c'est à dire pour auoir sa part au gasteau, ayant lors beaucoup d'affaires contre Didier Roy des Lombards, duquel les armes Françoises le garentirent: Ce que toutefois ne fut honneste ny au Pape ny aux Seigneurs de France, ains a esté & sera vne perpetuelle infamie à leur posterité, d'auoir déposé leur Roy legitime pour fauoriser son seruiteur vsurpateur illegitime : *mais quoy, les plus forts ne manquent iamis de raison.*

Comme si depuis il n'y eust pas eu vn accord fait avec Charlemagne, par lequel la nomination de creer les Papes fust attribuee aux Roys de France, & comme si le temps auoit quelque pouuoir de prescrire contre ce droit, auquel le Debonnaire n'a peu renoncer, estât vn droit public, auquel les pactions des particuliers ne peuvent deroger. De sorte que ceux que nous auons droit de nommer nous deposeront nos creatures, nous feront la loy, nos seruiteurs nous chasseront de nostre maison, il n'y a point d'apparence. Ouy, mais l'autorité de saint Pierre est double, *paistre & tuer*, dit vn grand flatteur Papicole. Ce sera donc comme les Canibales, le Pape nous tuëra & nous mangera, i'ay crainte que ce soient morceaux trop difficiles à digerer pour son estomac. Et d'ailleurs Charles de Bourbon par son testament nous a appris le moyë de nous defendre: ouy de luy porter l'affront sur le nez, le preuenir en ses mauuais desseins, & luy faire rendre gorge de ce qu'il nous detient iniustement.

Ceste autorité publique a donc beaucoup de force, puis qu'elle peut disposer les Roys, les declarer incapables du gouvernement de leurs Estats, que ce soit au moins avec cognoissance de cause, donnés leur autant de priuileges qu'aux particuliers, auxquels on n'a iamais interdit la deposition de leurs biens, qu'au préalable on n'ait informé contre eux, qu'il n'y ait eu iugement: Mais icy qui prononcera, sera-ce vous impudens? sera ce vous effrontez? meurtriers de nos Roys, archboutans de nos malheurs.

Non, non, les Roys ne peunēt iamais estre declarez tyrans, ie dis les Souuerains, puis que autant de depositions, de confrontations, de iugemens, dont on vseroit contre eux, seroiēt autant de felonnie, de mutineries, de rebellions, ce ne seroit pas iustice, mais sacrilege non vn simple crime, mais vn peché trop odieux. Les Roys, dit vn Historien, vn Sa-
Philippe de Comines
 luste François, sont seuls iuges en leurs faits, & ne respondent à autre ressort qu'à celuy de la Iustice Diuine, & s'ils ont offensé quelqu'un de leurs subiects, ils peunent satisfaire ciuilement comme fit Clotaire erigeant en Royaume les terres de Gautier Iuetot qu'il auoit tué. Les Roys sont Lieutenans de Dieu, arbitres de la vie & de la mort de leurs sub-
Rex vita necisque gentes sua arbiter.
 iets, iustes distributeurs des grandeurs, des Estats, qui peunent faire les vns vases sans prix d'une gar-
Senec. Clem.
 derobe, & les autres vaisseaux d'honneur en vn beau & riche cabinet, ils sont non seulement le nerf qui donne mouuement à la Republique, mais le cœur & le chef qui la fait viure, l'esprit vital qui ani-

me tant d'esprits.

Quelque occasion doncques que le subiect ayt de se reuolter contre son Prince, le plus iuste motif d'une sedition, c'est vne iniustice, c'est vn crime, estant le simple deuoir du subiect de demeurer en la iuste obeyssance de son souuerain. Voyla pourquoy le Roy François premier disoit, que tout Estat de Republique ou de Monarchie ne consistoit qu'en deux poincts, *au iuste commandement du Prince, & en la loyale obeyssance des subiects.* Que si le Prince commande iniustement, & le subiect refuse d'obeyr, le Royaume se ruine, son temperament s'altere, & se resoult en sa premiere matiere en perdant sa forme: car comme la vie de l'homme est l'vnion de l'ame & du corps, celle d'un Royaume est le commandement & l'obeyssance, si l'un se separe de l'autre, que l'ame tyrannise le corps, & le corps ne vueille prendre la loy de l'ame, c'est à dire de la raison, tout se pert, tout se ruine: c'est vne mort, non pas toutesfois que pour cela il nous soit en façon que ce soit permis de nous reuolter contre nostre Souuerain, il est seulement en nostre pouuoir de souhaitter vn bon Prince, mais tel qu'il est il le faut endurer, il le faut honorer, il luy faut rendre le deuoir que nous luy deuons, ce droict de Roy, que les subiects doiuent à leur Roy, & souffrir le mal qui n'a point de remede, iamais le peuple ne doit courir aux armes, mais aux remonstrances, aux requestes, & les Roys ne doiuent en façon du monde, permettre que l'on mette leurs actions sur le bureau,

Samuel.

reau, qu'elles soient traictées publiquement, les vns en parlent selon l'affection qu'ils leur portent, les autres avec de la passion. Et si ie diray avec verité, que la premiere cause des troubles de quatre vingts huiſt, ne proceda que de ce que les medecins du Roy, aſſeuroient que la Royne n'auroit iamais d'enfant, vn chacun deſlors commença à baſtir ſes deſſeins pour ſon mieux, qui a en fin eſcloſt le malheur de la France.

*Periculum
est ſi cœtus
& conſilia
& ſecretas
conſultatio-
nes eſſe ſi-
nas. Titu. *Ad uir-
Lin. In priu**

Voyla que porte la doctrine des Ieſuiſtes, doctrine peſtilentieuſe toute pleine d'heresie, d'atheisme, qui confondent les choſes diuines & humaines, ennemis mortels de gens de bien, les viperes de leur patrie, le malheur de la ieuneſſe, laquelle ils inſtruiſent au preiudice du bien public & de l'honneſteté. Ie ne m'arreſte point à dechiffrer leurs vilanies, ie ne veux point parler de ce qu'ils traictent en leurs liures, la lecture en doit eſtre defenduë, elle offence les chaſtes oreilles. Et entre autres ce traicté du mariage de Sanchez tout plein d'artifices, pour nous porter aux copulations contre la nature & mille vilanies, ie veux parler ſeulement de ce qui regarde le public, le meurtre de nos Roys, qu'vn chacun croit qu'ils en ſoient les auteurs, & puis nous les dirons, nous les appellerons Ieſuiſtes. Ce ſera donc comme ces anciens heretiques, Donatiſtes, Deiſtes, Atheiſtes, Ieſuiſtes, tous noms de mechans, d'ennemis de l'Egliſe & de Dieu: comme qui diroit du tout contraires à Dieu, conſtituans deux principes de toutes choſes, l'vn

*Sanchez
Eſpagnol de
Cordube de
matrim.*

*Selon la do-
ctrine des
Stoiciens;*

du tout bon, l'autre du tout mauuais, le premier desquels nous porte à des actions vertueuses, mais l'autre ne produit que toutes sortes de damnables inspiratiōs dont les effects sont les sacrileges, les impietez, les adulteres, le meurtre des parens, le paricide des Roys, & autres choses semblables: au contraire Dieu se reuint en la vertu, en la bonté & probité des hommes, lors le mauuais genie n'a rien de plus agreable que de nous voir tourner le dos au bien, & nous prostituer à toute sorte de meschancetez.

Que s'ensuit-il donc sinon qu'ils ont le diable pour chef, & pour autheur de leur secte, qui les porte à tant d'estranges conseils, qui leur donne courage, & les fait esperer au milieu des dangers, brauer au milieu des perils, plustost que desister de leurs entreprises, quoy que sans apparence de paruenir à leurs desseins, ils ont tousiours mieux aimé estre vaincus que de ne tenter point le hazard, ils n'ont point perdu courage pour auoir failly tant de fois en tant de lieux. En fin ils ont rencontré auprès de saint Innocent, & là comme vne agneau innocent ils l'ont sacrifié, non pour le salut public, mais pour le salut de l'Espagne.

Voyla vne belle doctrine, que d'enseigner le meurtre des Roys, doctrine Iesuistique, doctrine contraire à la doctrine de l'Eglise, aux Saints Conciles, & specialement à celuy de Constance, qui cōdamne le meurtre des Roys, mais ils ont vne prompte exceptiō pour n'approuuer ce Concile sçauoir est qu'il est im-

Pauentū ca-
des homici-
dia strāgu-
lationes a-
dulteria
damonis o-
pera Tri-
magist Dī
uirtute bo-
nitate, &
probitate
delectatur.
Exophō in
conuiuio.

Nec suis, nec
alienis viri-
bis stare po-
terāt, tamen
bello nō ab-
stinebāt a-
deo ne in-
feliciore
quidam de-
fensa liber-
tatis tade-
bat, & vin-
ci quam nō
tentare vi-
ctoriā ma-
lebant.
-Tit. Lin.
det. 2.

prouué par les Papes Eugene & Martin, peu s'en faut, qu'ils ne disent que l'escriture sainte est Apocriphe, puis que ses Eseruains ont esté executez comme meschans, & punis cōme mal-faïcteurs, mais que ne diront-ils point, puis qu'ils ont vne creance differente, voire du tout contraire à la nostre, gens fort pieux, fort deuotieux, mais ceste deuotion ne s'estend qu'aux conspirations qu'ils font contre la personne de nos Roys, c'est doncques ainsi qu'ils font plains de pieté, c'est pour cela, qu'ils meritent le nom de Iesuites, à l'exemple des Anciens Goths qui massacroient leurs Roys, comme il se voit au Conciles de Tolède en Espagne, qui furent tenus pour condamner les Assassins commis en la personne de leurs Roys, ou les peines qui estoient à ce Concil prononcent des execrations estranges contre les Espagnols, & maintenant que ces meurtres se practiquent entre nous, que peut-on dire, sinon que ce sont des traïcts originaires d'Espagne, à tout le moins pour l'exemple: & cependant nous en patissons, nous sommes à deux doibs de nostre mal-heur, qui procede, de ceste pepiniere de nos miseres, les Iesuites qui regardent en terre ferme le naufrage de ceste nauire Françoisse, qui s'arment de courage & de resolution contre les euenemens qu'ils en imaginent.

Quoy regarder le n'aufrage? ouy le desirer, ouy inuoker le Ciel & la terre, coniurer les vents & la mer à nostre ruyne, ne fut-ce pas le pere Matthieu, qui premier presenta la Li-

gue au Pape , ne fut-ce pas la Varade autre-Ie-
suisse qui seduit Pierre Barriere dit la Barre
natif d'Orleans , & le porta au meurtre du
Roy , voire mesmes apres qu'il fut Catholi-
que. Et vous aurez encor les oreilles bouchées
de Coton ? quoy vous , mais la plus-part de la
France , & toy ma chere partye ne destouppes-
ras tu point les tiennes , seras-tu tousiours
sourde , n'osteras-tu point ceste mouffe qui t'a
autrefois empesché , d'ouyr ceux qui te con-
seilloient ton deuoir qui t'a faict tramper en la
rebellion de la Ligue , ha que ie te plains , &
comment le pourrois tu faire , ton Roy te
monstre le chemin, il cherist ses ennemis mor-
tels & coniurez à sa ruyne.


Sus mon Prince esueillez-vous que tant d'e-
xemples , de cruautéz , de reuoltes contre vos
predecesseurs vous soyent tousiours telle-
ment presens que vous eutiez ce mal-heur,
que vostre regne ne soit point comme ceste
année que les Astrologues cent ans aupara-
uant appelloient la prodigieuse , celle qui se-
roit la fin des autres , en laquelle on deuoit
voir ou le monde à son periode , ou tourmen-
té de conuulsions & maladies estranges par
tous ses membres , ne faisons point cōme ceux
qui ont euté vn naufrage , qui parlent plustost
du danger qu'ils ont passé que de pertes qu'ils
ont faicte pour sauuer leur vaisseau , cela est
bon aux choses qui se peuuent recouurer , mais
nostre perte est sans prix , regardons donc-
ques plustost-là, qui est la mort de nostre Roy,
conseruez-vous donc mon Prince & challez

ces pestes d'alentour de vous : Ceux qui se sont sauuez de naufrage se plaisent d'en voir les tableaux, mais nous sommes encorés au milieu du danger, preuenons les doncques mon Prince, & destournons ce malheur, ce cousteau que les bras des Iesuites leue contre nous, mettons nous a l'abry de la pluye, gardons nous des esclats du foudre, garantissons-nous des fureurs de leur mauuais conseil, qui nous va mettre en proye, nos fortunes, nos femmes, nos enfans, permettez que l'on vous represente, ce que vous deuez craindre, nous sommes François, c'est à dire libres, qui ne pouuons estre empeschez de dire à nos Roys les choses veritables, & les leur représenter comme sur vn tableau, l'apprehension des calamitez publiques, faict ouurir les yeux au plus aueuglez, & esmouuoir les plus insensibles, faictes voir que vous estes Roy la vraye & viue image de Dieu, qui auez le foudre en la main pour esclaser ceux qui s'esleuent contre vous, punir doncques, punir ces gens-là, voire en toute rigueur, puis que l'on ne nomma iamais cruauté vne iustice bié qualifiée de crainte que laissant leur entreprises impunies, elles ne mettent en fin en hazard & vostre vie & le repos de vos subjets, il ne faut pas attendre que le temps change leur opiniastrété, le desir de vous perdre leur croist avec le temps, & l'esperance que leurs conspirations reüssiront à leurs contentemens, ce qui vous craindra si vous le permettez, & qui vous craindra si vous ne les punissez? paroillez donc comme vn Comette

brilant, vn Mars foudroyant, & qu'ils cognoissent qu'une seule parole de vostre Majesté les peut reduire en poudre, lors que le corps lumineux est plus grand que l'opacque, les ombres vont tousiours diminuant, lors que le Soleil est en sa plus haute station, les Mathematiciens nous promettent des felicitez plus assurees. Iamais la figure circulaire ne touche la terre que d'un poinct, le reste haut vers le Ciel.

Courage donc grand Prince, faictes voir que vous estes vray fils de l'Aigle, que vous regardez le Soleil d'un œil ferme, sans varier, que vous ne craignez rien, que les traistres, lesquels vous scaurez aussi bien punir que dompter vos ennemis, nous les vous demandons pour les sacrifier à nostre iuste colere, aux ombres heureuses de nos Roys, pour apprendre à la posterité que nous en auons autant chery la possession que nous en regrettons la perte.





RARE BOOK ROOM



THE UNIVERSITY OF
NORTH CAROLINA
LIBRARY

DC123.3
C61

